



# Bureau Sosteneimi

Centro di Consejo y notificacion di abuso di mucha

Informacion pa e profesionalnan

## **Hunto pa e siguridad di e mucha**

Abuso di mucha ta un problema compleho cu no por keda resolvi pa un profesional of un organisacion. Bureau Sostenemi ta e punto central di conseho y punto di notificacion di abuso di mucha. Pa implementa e tarea aki nos a scoge un enfoke basa riba e siguridad di e mucha.

Pasobra e mucha ta central y ta esey ta loke nos kier traha hunto p'e. Hunto cu e mucha, cu e famia, su red social y otro profesionalnan, pa fortalece y hunto recupera e siguridad di e muchanan.

## **E señalnan di abuso di e mucha**

Si bo ta mira algun señal di abuso cerca un mucha, ta hopi importante cu ta propociona yudansa. Pasobra e violencia y abandono of e abuso sexual no ta para di nan mes. Como profesional, bo tin e responsabilidad pa percura cu yudansa ta yega mas pronto posibel. P'esey mester uza e cinco (5) pasonan di e Codigo di Proteccion.

# Conseho

Den tur e cinco (5) pasonan di e Codigo di Proteccion bo por tuma contacto cu nos oficina di recepcion pa un consulta. Nos empleadonan tin e conocimiento necesario y un experiencia amplio den nan trabou como tambe den e situacionnan di abuso di mucha. Nan ta duna conseho na telefon. Tambe bo por participa na un consulta door di haci un peticion pa esaki. Si nos duna conseho, nos ta nota bo informacionnan. Pues nos no ta nota e informacionnan di e mucha of e famia. Por lo tanto bo mes persona ta sigui ta responsabel pa e caso.

## Un notificacion cerca Bureau Sostenemi

### Cua ta e casonan cu bo ta notifica?

Bo por haci un notificacion den caso cu:

- Si bo tin e sospechonan concreto di un abuso di mucha
- Si bo a implementa e cinco (5) pasonan di e Codigo di Proteccion y
- Si bo mes no por propociona ni ta capaz di propociona e ayudo necesario
- Si bo tabata tin consulta telefonico previo cu Bureau Sostenemi



## Con bo ta haci un notificacion?





Si bo ta considerando pa haci un notificacion tuma contacto na prome instante cu nos na Bureau Sostenemi. Si bo a tuma e decision caba, percura pa informa e famia di e asunto. Despues bo ta yena e formulario di raporta manda esaki pa nos Bureau Sostenemi.

# E procedimiento despues di un notificacion

Despues di un notificacion nos ta tene combersacion cu e famia, su red social y e profesional cu ta involucra cu e notificacion. Cu ayudo di un plan di siguridad nos ta traha pa recupera e siguridad di e mucha. Despues di esaki nos ta implementa yudansa cu ta enfoca riba e problema cu ta contribui pa frena e abuso di mucha.

Despues di aproximadamente 12 siman nos ta completa nos participacion. Como notificador bo ta ricibi un comentario descriptivo y breve di e pasonan adicional cu a keda tuma den e caso specifico.

## Informacion di contacto:

-  [bureausostenemi.org](http://bureausostenemi.org)
-  588-1010
-  [sostenemi@aruba.gov.aw](mailto:sostenemi@aruba.gov.aw)
-  Tanki Flip 53-A

